

Аёлларнинг умумий ҳаммомларга қатнаши
ношаръий ишларга сабаб бўлади | Ҳадис
дарслари (242-дарс)



19:00 / 09.08.2023 2066

أَهْنَعُ هَلَلَا يَضَرَّ شَيْءٌ نَعُ
هُ هَلَلَا يَلَصُّ هَلَلَا لُؤْسَرُّ نَأُ
لُؤْخُدُ نَعُ يَهَنَ مَلَسَوِ هَيْلَعُ

لَا جُرْلَلَ صَّخَّرْ مُثِ تَامَّ خُ لَ ا رَزَايَ مَ لَ ا ي ف ا ه و لُ خ دَ ي نَ ا

Оиша розияллоху анҳодан ривоят қилинади:

«Расулуллоҳ соллаллоху алайҳи васаллам ҳаммомларга киришдан қайтардилар. Сўнгра эркакларга изор билан киришга рухсат бердилар».

Кўриниб турибдики, ҳаммомларда содир бўладиган аврат очилиши ва бошқа гуноҳ ишларни эътиборга олиб, Набий соллаллоху алайҳи васаллам маълум муддат мусулмонларга умумий ҳаммомларга киришга рухсат бермаганлар. Кейинчалик ҳамма нарса ўрнига тушиб, кишилар бу ишга боғлиқ масалаларни яхши ўрганиб олганларидан кейин эркакларга изор (авратни тўсадиган кийим) билан киришга рухсат берганлар.

Аёлларга эса рухсат бўлмаган. Чунки аёлларнинг умумий ҳаммомларга қатнаши туфайли келиб чиқадиган ношаръий ишлар эҳтимоли кўп ва кучлидир.

هَلَلَا يَّ لَ صَّ ي بَّ ن لَ ا نَ ع ا ه نَ ع و
ة ا ر م ا ن م ا م : ل ا ق م ل س و ه ي لَ ع
ر ي غ ي ف ا ه ب ا ي ث غ ل خ ت
ا ه ن ي ب ا م ت ك ت ه ا ل ا ا ه ت ي ب
ا م ه ا و ر . ي ل ا ع ت ه ل ل ا ن ي ب و
ي ذ م ر ت ل ا و د و ا د و ب ا

Яна ўша кишидан ривоят қилинади:

«Набий соллаллоҳу алайҳи васаллам:

«Қайси бир аёл ўз уйдан бошқа жойда кийимини ечса, албатта, ўзи билан Аллоҳ таоло орасидаги пардани йиртган бўлади», дедилар».

Иккала ҳадисни Абу Довуд ва Термизийлар ривоят қилганлар.

Аёл киши учун эри, ота-онаси ва бола-чақасининг уйи ҳам ўз уйи ҳисобланади. Аммо аёл кишининг нотаниш жойларда кийимларини бутунлай ечиши кўпгина ҳаром ишларга сабаб бўлганидан, муслима аёлларни турли ноқулайликлардан сақлаш мақсадида шу ҳукм жорий қилинган. Ушбу ҳукмга амал қилмаслик кўплаб ҳаром-хариш ишларнинг келиб чиқишига сабаб бўлишини унутмаслик лозим.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.